



文苑
補
叢

七

祭文

七

~ 20
2457
8



23328

20
2457
8



文苑齋藏卷之十五目錄



祭文一 宗廟○永寧殿同

春享親祭文

夏享親祭文 二

秋享親祭文 二

冬享親祭文 二

預備

臚享親祭文

神德王后追紼廟祭文

端宗大王定順王后紼永寧殿親祭文

文苑齋藏卷之十五目錄

預備

端敬王后祔廟親祭文

宣祖大王尊世室告由祭文

孝宗大王祔廟親祭文

仁祖大王孝宗大王尊世室親祭文

顯宗大王祔廟親祭文

預備

肅宗大王尊世室告由祭文

景宗大王祔廟親祭文

英宗大王貞聖王后真宗大王孝純王后祔廟親祭

文

英宗大王尊世室元子定踊親祭文

太祖大王加上謚踊神懿王后元敬王后位牌刑去

太字加書徽號改題主告由祭文

恭靖大王追上廟號謚踊改題主定安王后追上徽

踊改題主告由祭文

孝宗大王加上謚踊親祭文

顯宗大王明聖王后上尊踊親祭文

肅宗大王上尊踊告由祭文

肅宗大王仁敬王后仁顯王后仁元王后上尊踊親

祭文

肅宗大王仁敬王后仁顯王后仁元王后追上尊號
當宁攝行祭文

仁元王后加上尊號告由祭文

仁元王后英宗大王貞聖王后加上尊號告由祭文

英宗大王貞聖王后追上尊號王大妃殿加上尊號

景慕宮追上尊號惠慶宮加上尊號告由祭文

英宗大王貞聖王后追上尊號親祭文

景宗大王冠禮告由祭文

莊獻世子冠禮告由祭文

莊獻世子嘉禮告由祭文

當宁冠禮告由祭文

中宮殿冊禮告由祭文

文孝世子冊禮告由祭文

肅宗大王六旬陳賀告由祭文

仁元王后六旬陳賀告由祭文

英宗大王入耆老所告由祭文

英宗大王受陳賀告由祭文

肅宗大王仁顯王后景宗大王端懿王后展謁告由

祭文

英宗大王貞聖王后展謁告由祭文

真宗大王孝純王后展謁告由祭文

莊獻世子惠慶宮展謁告由祭文

莊獻世子聽政告由祭文

辨誣告由祭文

祈禱祭文 二

英宗大王患候平復告由祭文

莊獻世子水痘平復告由祭文

莊獻世子紅疹平復告由祭文

莊獻世子麻疹平復告由祭文

當宁痘候平復告由祭文

祈兩親祭文 二

祈兩攝享祭文 二

祈晴祭文

報謝祭文

祈雪祭文

功臣追錄告由祭文

討逆告由祭文 七

鐘鼓且清衍我列聖庶幾降格啓佑後人永錫景福

大提學南龍翼製

夏享親祭文

眇予小子惟德不類忝承丕緒夙夜憂惕祗思奉先
靡懈敬忌爽惟列聖成烈孔躋豐芑永綏有秩禋祀
肅肅廟宮洋洋臨蒞維時之壇炎律云始矧經新緝
愴慕益疊怵惕徜徉予懷曷已差穀揭虔用禴乃利
莞磬既舉蕭管克備載瞻几陳如聆音旨儻然愾然
孚誠斯萃尚冀願佑歆此簋貳

大提學李宜顯製

秋享親祭文

有佺闕宮維皇烈祖丕顯丕承允文允武眇予續緒
罔敢怠違肆紀三紀強肅以將逮于遲暮追遠彌篤
祠綸值憾弗躬磬祝憧憧一念夷則是禘夙夜靡寧
以戒犧醴穀差載屆奏彼思成洋洋陟降觀德之庭
尊王大義祖考攸法敢曰克紹是競是業於昭在上
庶幾監予率履不忒期永終譽執事有恪申錫斯祐
馨椒洽禮降歆籩簋

弘文提學元景夏製

秋享親祭文

當宁戊戌

肅雖清廟籩豆大房鐘鼓喤喤磬莞鏘鏘朱干玉戚
庭燎之光念昔藝祖請我東方思文列聖繼序斯皇

明昭有邦黼黻圭璋以宥以密燕及無疆於奕新宮
左右洋洋眷顧來後申錫休祥讓讓零露日月其嘗
載營載燔或奠或筐蒿有臨歆此馨香

大提學徐命膺製

冬享親祭文

仰惟列聖丕啓靈慶眇予小子續保休命率時典訓
永恭明祀熙事備成夙夜敬止歲序迭遷玄冥節回
述省靡怠羹牆感懷消茲吉日躬奉大亨肅倡和聲
洋洋在上儼然愾然若聞若見尚鑑後誠降歆菲薦

預備

蒸嘗致禮時序遷易品物薦誠庶幾降格

大提學權愈製

冬享親祭文

當宁庚子

於皇列聖峻德配天維昭維穆申錫永年小子繼序
夙夜儆戒寅承明訓兢兢匪懈播衡既設奏餼不遲
念茲玄冥烝嘗孔時肅雖對越躬將玉瓊庸鼓淵淵
陟降以衍愾然儼然若見若聞尚鑑微誠歆此餼芬

右祭贊黃景源製

臚享親祭文

當宁癸卯

於皇列聖受命無疆小子繼序敬奉烝嘗維茲冬臘
熙事是將籩豆既陳歆茲餼香

大提學黃景源製

神德王后追祔廟祭文

恭惟大妃克配列祖受中朝命為內壺主德音雖遠
徽稱未沫紉禮之曠閱幾年載昭昭陟降若有臨顧
揚予小子是用戰懼孟冬維朔日辰維吉爰潔上儀
以躋太室肅肅闕寢維穆暨昭萃倣洋洋百世靡祧
小子嬰疾久而彌痼未奉珪幣祗增愴慕齊誠薦潔

攝以宰輔於穆皇靈庶歆盥盥

大提學金
錫胄製

端宗大王定順王后紉永寧殿親祭文

於昭溫文顯廟之穆有臨御尊著禪讓德丕踰廟饗
典常攸宜違時不幸殷禮久虧神理陞鬱今二百紀
列朝因循蓋重其事小子緬想興感于衷祗思善繼

庭議詢同代雖及祧禮宜追遠爰舉紉儀並隆中壺
位承彌室稱情合度崇奉如初增光聖祖仰惟陟降
庶同慰悅躬詣告成敬薦芬苾

預備

粵我溫文宜饗太室彝章久缺神理有鬱今始追隆
躋紉祧廟病未將事替奠虔告

宗泰製
徐

端敬王后紉廟親祭文

中廟初潛有媿如姜業贊乾龍位失坤裳金枝一闕
宛囑千古厥故維何廷議之誤今二百年國人猶悲
於戲小子永言思惟聖畫倫寔重糟糠仰揆斯教

本意章章亦粵寧考追復是軫雖卒未遑厥有遺恨
繫茲緝儀匪予敢擅維兩聖志是述是聞位正元后
尊配世室神理久愜情文罔缺日吉辰良載訖拊禮
於昭列祖庶同欣豫躬詣告成肅薦芬薌陟降右享

錫福無疆

藝文提學
朴師洙製

宣祖大王尊世室告由祭文

洪惟宣廟天錫勇智武以戡亂文用致治重恢赫業
百世流澤位在不祧禮有所式爰奉世室功德彌彰

虔申告儀庶格馨香

永寧殿同○知
製教柳命賢製

孝宗大王拊廟親祭文

殷制甫畢秋序又屆有事太廟仍舉拊禮於戲寧考
聖神文武運值屯否躬履險阻心傳精一誠切明揚
經營十載志豈暫忘大業未半奄棄臣民榮榮小子
泣血踊旻日月不淹三年告終禮不敢過慟則靡窮
禪事纔闋緝儀載陳有恤闕宮祗薦明禋享仍秋嘗
寔遵祫祀躋于列聖觀德在是愾儼若見陟降如在
念篤羹牆攀慕莫逮世代迭遷感愴深踐位行禮
惕然于心蓮豆孔嘉典式罔愆永言妥靈於萬斯年

殷相製

李

仁祖大王孝宗大王尊世室親祭文

文苑補遺

卷十五 祭文

我朝受命實紹箕武祖功宗德度越前古洪惟仁祖
神武天錫值時百六穢德肆虐天常已殄宗祏將隕
密謀匡復義旅咸奮中興偉烈遠邁周宣摠攬乾綱
務存大體仁深道積澤流永世輝煌大業可徵簡編
密勿訐謾以啓後人功先再造行出百王位在不祧
則維舊章於皇孝廟生稟聖智夙遭喪亂事符羹里
自始臨御一念戰兢行通神明化孚民物憂勤宵旰
十載如一弘規長策如日難盡矧伊生平志有所在
欲灑遺憂以伸大義誠切朝宗傷深日暮雄圖縱屈
盛業猶垂天下後世庶幾有辭叙我民彝伊誰之力

載稽往牒且考邦禮思揚休美用顯志事朝議既同
輿誦無貳并尊世室廟貌加隆爰及千祀不遷闕宮
緝儀無缺神人胥懽明禋於穆德義可觀念惟陟降
哀慕增深肆告列聖冀監徽忱

持謙製

趙

顯宗大王祔廟親祭文

恭惟靈考撫運熙洽勵精憂勤歷年十六垂裕後昆
有光前烈億萬斯載大德必得天胡降割弓劍遽遠
大有為志中途未半仁宣巨感孝不克終痛切幽明
叫叩靡窮惇惇小子在疚何恃奉侍慈闈相勉抑慰
時序易遷祥禪奄闕中制有限奈情之奪隣祔以時

適當冬嘗綈儀斯舉紀事兼將 缺 洋洋若臨乎上
休揚在庭霜露感愴祭惟即吉哀慕益極陟降在茲
尚歆洞酌

預備

有故替薦祭如不祭大禮即經更無可逮尚闕躬奠
哀慕曷任陟降在上庶歆微忱 知製教俞
夏益製

肅宗大王尊世室告由祭文

顯顯肅考邁駿有聲倫明義正教洽治成神功茂烈
本諸一精禮取成周文武與京在廟不祧惟世其紡
虔伸告儀冀倣徽誠 各室○知製
教李宗城製

於皇聖考執競維烈祗遵崇陵基命宥密神功偉業
配天無極治成制定道光德洽修齊至要正自倫則
宣昭烈聞變履不越聖廡序正祧寢位復凡厥靡違
壹皆無闕乾綱以肅內謚外輯在位靖共民協于一
宏謨悉備大猷斯陟文經武緯不顯伊濯載其聲赫
綏我震業何以致之精一心學受天眷悲悠久享國
祖功宗德昭映簡冊粵膺徽跡今尊世室禮倣仁孝
爰有所式綈儀載舉追慕深切虔申告典有洞斯酌

當室○知製
教金尚星製

景宗大王祔廟親祭文

英宗丙午

有他闕宮昭穆儼列制訖三年位添一室禮殿新紉

感深迭遷陟降洋洋鑑此躬虔知製教徐宗及製

英宗大王貞聖王后真宗大王孝純王后紉廟親祭

文當守戊戌

皇矣我祖巍乎蕩蕩大德必壽八表以享功惟昭著

恩則普被光前裕後高天厚地不吊降割真游賔邈

祥禪雖闕情則難抑陞紉以時遵禮之常繫我文母

在昔揚光月馭先晦懿德之配維考維妃洋洋如在

承命繼體同躋太室紉我列祖昭穆秩秩蓮豆既陳

鐘鼓斯皇其永有慶申錫無疆焄蒿悽愴餘哀猶切

降監在茲庶歆洞酌

大提率李徽之製

英宗大王尊世室元子定彌親祭文

於皇列祖基命宥密寧考昭承禮宜世室元嗣定彌

國有主器罔非啓祐庸薦我祀各室

於戲盛德沒世不忘秩諸永祀厥有彝章矧茲燕謀

式符誕月肇加殊稱用昭冥隲徽猷丕彰邦籙彌永

追先啓後愴忻交并當室○內閣提學俞彥鑄製

太祖大王加上謚號神懿王后元敬王后位牌刪去

大字加書徽號改題主告由祭文

太祖肇基大義是揭厥初上彌實蹟未晰太宗嗣緒

景烈克紹在昔議謚字數差少今茲加上蓋循群請
亦粵神懿暨夫元敬二室板題俱違常式載補載刪
在禮宜亟斯舉緝儀並申墜典虔告厥由明裡是薦
知製教吳道一製

恭請大王追上廟誦謚號改題主定安王后追上徽
號改題主告由祭文

彛章有厥顯號未揭累朝因循迄數百載茲依輿論
式舉墜典敢告改題恭申明薦

知製教吳道一製

孝宗大王加上謚誦親祭文

恭惟我邦大明之藩忠貞篤世永戴皇恩天割宗周

事乃罔極含冤忍痛哀此弱國禁苑虔禮周雅漬淚
先王之志孝廟是嗣於休孝廟天縱聖德修德主經
誓伸大義志業中闕穹昊孰諶尚賴遺烈人不歟禽
民彝物則百世罔隳光前啓後天下有辭壹惠表行
既崇既顯惟茲宏業寔待揚闡追隆顯號我家有禮
寧考至願小子斯體於昭烈祖庶同忻悅躬詣告成
物儀咸秩聲名洋溢宗祏有光冀蒙昭假錫羨無疆
各室

帝眷東顧篤生哲王文明配舜勇智齊湯艱難泥露
寔天啓聖嗣守道心仁考有命孝弟盡倫嚴恭自祗

聿修天德遵王之義我思寧王實遺至痛中夏泯夷
北辰靡拱睽懷大邦淚漬周雅誓伸先志以暴天下
明我天理正我人心我受丕德曷不時忱敷文奮武
卓然治規強弱成敗匪我攸思皇穹不仁大勳未集
惟其宏烈天下與立民彝物則賴不淪絕禮義箕邦
人免被髮聖孫繼志皇壇有弁丕謨斯彰啓佑無數
徽稱盡美宗祀孔明尚懼洪業未極表章加隆顯冊
率我彝典恭陳備物曷旣揚闡馨筦肅雖如覲盛德
庶我歆顧永貽燕翼

當室○大提
學吳瑗製

顯宗大王明聖王后上尊踊親祭文

英宗壬辰

於穆闕宮陟降洋洋聖繼神承長發其祥絲如瓜瓞
鞏如磐石猗我顯廟德音無數謨烈丕著聲光甚長
傳之聖子其業彌昌闡揚未遑怵惕恒切感彼歲月
陳此儀物煌煌寶踊燕及哲配禴祀蒸嘗旣于百世
眇予小子德不類名庶彰靈既丕答輿情祗薦籩豆
俯仰如覲冀垂歆餒啓佑無極

各室

於皇聖祖誕膺休祥時屬艱難天啓靈長守文之德
寧廟攸教燕翼之謨皇考克紹宏基大業式至今休
日月寢邈取光長留穆穆聖配亦昭懿範儻尊並明
教洽恩湛眇茲小子繼序不忘莫逮舍飴徒切見牆

喬陵攝事恍如昨晨歲回齒學感慕采新鴻名緝儀
事若有待寧王孝思曷不仰體載之琬琰薦以禮樂
四聖承承百世觀德寡昧勉循亦賴靈貺顧名多懼
踐位增愴清酌明粢祇告厥由陟降不遐永賜保庥

當室○大提
學李福源製

肅宗大王上尊踰告由祭文

眇予小子叨承大位夙夜戒兢春冰虎尾永念負荷
恒懼失墜懋修曠闕勉追志事幸膺餘庥保有靈長
迺者廷臣遽請懿章事係尊周禮引先朝念我烈祖
大義克昭粵瞻皇壇有愴中情敢曰率行祇自寓誠

追緝廟祧再正壺翟寔惟冥隲予豈自德群下不諒
並欲歸美執志雖堅申懇愈至輿情所迫有難終辭
茲循舊典載舉緝儀謹消吉辰庸先虔告庶幾降格

永垂保佑

如製教朴
鳳齡製

肅宗大王仁敬王后仁顯王后仁元王后上尊踰親

祭文

英宗癸酉

闕廟孔位列祖維皇紹庭上下陟降帝傍則篤于慶
濬發厥祥寧考受之適駿有光治成制定謨烈丕彰
率履中正肅我乾綱永垂後人邦運靈長深仁至德
沒世不忘小子承禧罔懈綸嘗於戲莫報遐不闡揚

暨我聖后徽烈是颺明靈在上欣豫洋洋躬告有事
茅鬯斯香尚賴啓佑俾後熾昌 各室
於穆聖考基命宥密迺承迺繼精一心法豐功伊濯
大猷斯秩昭明有融景命有僕垂裕萬世式至今日
於歲不忘之仁之德亦粵聖后陰教載協克嗣徽音
其儀雖穆彤管有煌允矣配烈眇予小子孺慕靡及
雲輅莫攀帝鄉云邈何以報之昊天罔極周詩蓼莪
攬涕三復又值再癸懷不自抑式循舊典爰舉顯冊
曷云彷彿徒增悲咽堯牆在自周几如昨儼然若見
恍乎莫覲清醑既栗和磬有繹陟降洋洋監我駿彼

當室○藝文提
學金尚星製

肅宗大王仁敬王后仁顯王后仁元王后追上尊號
當宁攝行祭文 英宗丙申

皇矣寧考不顯其德宥密基命緝熙典學倫叙秩秩
義聞赫赫四紀之化萬品咸若荷天龍光貽我燕翼
克配于帝與道沕穆啓我靈長綏以百祿於昭在上
休有餘澤思齊文母辰也坤則溫敬且惠覩于宸極
貞順莊一承健成育顯翼嗣徽周祐曰篤黃裳習吉
彤管播馥欲報之德不遑寧息繼序思皇宵寐遐格
休躡加隆丕藝遵昔猗那齊休載享玉帛亦賴靈貺

勉受顯冊儲嗣灌鬯和磬有繹紹庭上下降監齊教

大提學李
徽之製

仁元王后加上尊號告由祭文 英宗辛未

太母尊臨五紀于茲顯號既隆敢伸告儀 宗廟

長樂加號慶洽神人式遵彝章告以芬芬 永寧殿○
知製教金

致仁
製

仁元王后英宗大王貞聖王后加上尊號告由祭文

英宗壬申

小子否德續承大位夙夜兢兢戒存豐豫永念負荷
勉追志事屹彼皇壇寧考義起恩酬再造百世有辭

太祖錫號毅宗命師追躋二皇典禮則然尊周大義

敢曰述先群臣溢辭遽請加尊庭籲浹旬予志彌堅

慈教屢降寔詔先憲終至勉承反顧慚覩念我太母

德侔任姒既壽既昌綏厥福履如松柏茂如日月恒

二字加隆載揚徽稱壺闈進冊亦遵舊章差穀虔告

降薦無疆 永寧殿同○知
製教趙重晦製

英宗大王貞聖王后追上尊號王大妃殿加上尊號

景慕宮追上尊號惠慶宮加上尊號告由祭文 當寧
甲辰

於皇英考至化無競殷廟觀德周嗣衍慶錫我元良
邦本克正誕膺景祿寔荷休命在今追報惟有顯揚

乃詢大庭若稽彝章玉牒金鏤八字煌煌情禮載伸
功烈彌光爰及先廟并進徽稱上誦東朝奉冊慈宮
歡均匝域慶溢呼嵩先期虔告牲醴孔豐

宗廟○內
閣知製教

金載
環製

英祖啓佑御曆星周冊我元良又會中秋國本永鞏
先烈益彰慶賴真騰誠篤顯揚絳儀載舉三殿二宮
情文叶宜丕誦加隆於昭陟降洋洋悅豫敢告厥由

祗薦清醑

永寧殿○內閣知
製教徐龍輔製

英宗大王貞聖王后追上尊誦親祭文

當寧甲辰

於赫列祖繼承維皇寧考昭受垂庥無疆星回光御

慶闡萬極選吉加隆齊薦洞酌

大提學吳載純製○
御製添書追遠報本

鵝慕彌切小子
奉璋冀垂真騰

景宗大王冠禮告由祭文

肅宗乙亥

啓佑我後主器有人將加元服既消令辰茲惟禮始
敢擅重事尚鑑虔告畀以昌熾

大提學金
萬基製

莊獻世子冠禮告由祭文

英宗癸亥

主鬯有人式賴啓佑三加卜吉元服既就厥惟禮始

先茲告事於戲永世界以昌熾

知製教金
漢詰製

莊獻世子嘉禮告由祭文

英宗癸亥

國重鞏本禮貴造端百兩其儀百福攸完洋洋降鑒

晉我慶歡吉蠲明告庶騰以安 知製教李昌誼製

當寧冠禮告由祭文 英宗辛巳

世孫將冠于今若初慶溢宗祏積累之餘茲因望薦

告儀式將啓佑順德永昇熾昌 知製教朴聖源製

中宮殿冊禮告由祭文 英宗壬午

冢孫有配冊禮既定茲因大祭敢告洪慶 知製教南玄老製

文孝世子冊禮告由祭文 當寧甲辰

猗我烈祖德配上帝帝錫第祿俾昌永世聖神相承
積慶有自爰及小子篤生元嗣自在寢床克岐克嶷
冲齡過三幼衣干尺知思漸開步語日就豫建之策

輿請已久自春徂夏意實有俟太歲在甲維時屬利
迺卜吉辰命陞儲位慶衍繼體歡騰延頸震器有三
永固邦命允我繩繩列聖攸眷德施昌後感切追遠
吉慶方萃祈祝斯深佑我保我申之自今消日告由

庶冀降歆 內閣知製教金載璜製

肅宗大王六旬陳賀告由祭文 肅宗庚子

於穆清廟列聖攸托陟降在茲洋洋赫赫小子續緒
餘休是庇自少善病未期遐禩迨茲歲新笙盈六旬
冥庥所暨景祿斯臻慶闕宗祊歡均朝野相臣筮稟
請以廷賀自願何堪非直克讓申懇愈切勉循群望

載舉盛節庸伸告儀庶歆洞酌永錫純禧如製教金始慶製

仁元王后六旬陳賀告由祭文英宗丙寅

於穆清廟有臨赫赫相我後人純嘏是錫小子續緒奉歡長樂寘庥所暨寶筮漸進迨茲歲新恰滿耳順慶溢宗祚歡均動植仰惟昔年感喜交極自顧涼孝實荷厚蔭式遵舊禮載舉盛節茲因朔享敢伸告儀庶歆洞酌益篤景禧如製教李潤身製

英宗大王入耆老所告由祭文英宗甲子

維聖有言大德必壽其應靡或於穆先后皇皇聖祖翼翼寧考並躋耳順寔膺遐報有赫耆社先後盛事

和樂一堂同我臣子西樓靈閣御墨煌煌于千萬歲共垂休光眇予小子猥受艱大蚤夜祗慄惟懼不逮屢經憂戚精神已衰踰五望六曾非所期豈道涼德先庥攸慶故事是據宗臣有請懿蹟難泯群情難拂矧奉東朝事尤稀濶勉循廷議將舉綉儀匪曰式似尚或近之豈敢張大祖考攸行追題耆軸無替舊章緬憶昔年躬親盛舉宛若隔晨彌增愴緒茲消吉日敢申虔告庶垂昭格益降冥佑如製教尹汲製
英宗大王受陳賀告由祭文英宗庚申
眇予否德業承休恤淫朋樹黨國勢危綴艱難險阻

蓋其備經箕疇蕩平實所服膺廷臣不率聽我邈邈
蠻觸紛拏視國秦瘠獨憂社稷寤寐吁嘆仰念投遺
黼宸奚安釋負素心彌堅鐵石真殿咫尺引過自責
茲懷孔臧教諭勤懇抑志奉承臨位有覲廷臣相勉
咸曰改革建極立經永貽燕翼先兆後笑鼓舞寰區
茲循群情祇告厥由永寧殿同製教安後說製
肅宗大王仁顯王后景宗大王端懿王后展謁告由
祭文肅宗丙子
配乾正壺共承宗廟薦蘋執盥於禮可致中世以降
闕為無稽惟我祖宗制作克諧因時酌宜蓋有未違

猗歟皇朝昭揭令章意在從周古典斯追詢及在廷
懋慎厥儀三月祇見經訓則然闕禮始舉後先何論
矧茲元良擇對賢匹式遵情禮載宜瞻謁穆闕宮
蒞事必恪敢告躬行先薦洞酌知製教李益壽製
英宗大王貞聖王后展謁告由祭文景宗壬寅
介弟并儲絜有賢匹慶閔宗祊禮宜祇謁茲消吉辰
肅恭清廟式薦洞酌敢申虔告永寧殿同製教李顯章製
真宗大王孝純王后展謁告由祭文英宗戊申
巍巍元良天作之匹渭舟旣飾漢廟宜謁穀朝于差
盛禮是躬佳兒佳婦環珮與同肅肅闕宮陟降臨止

想我列聖亦共斯喜儀章式備情禮罔缺載陳厥由

薦茲芬苾

知製教鄭羽良製

莊獻世子惠慶宮展謁告由祭文

英宗甲子

元良岐嶷齒及十歲爰求淋女天作之配式遵舊典

祗謁闕宮佳兒佳婦環珮與同燕翼貽謨徽音是嗣

恭惟列聖陟降欣喜儀章既備情禮罔缺具由虔告

薦茲芬苾

知製教姜必慶製

莊獻世子聽政告由祭文

英宗己巳

眇予小子叨承艱大二十五年小心罔懈孺慕至痛

苦心在中症形轉甚粵自闕逢世道益艱良由無能

若或應繁氣隨輒并元良克蕤尚代予理乃命聽決

爰遵故事追惟在昔有愴予懷明明列祖降佑孔皆

庶幾無憂邦其永休循禮消吉告儀祗修

永寧殿同知製教

尹光紹製

辨誣告由祭文

昔我聖祖應天順人得國之正三代與倫異國修乘

反有誣筆小子隱痛思一昭雪適緣事會俾正厥謬

使价之歸寫本先到雖異板刻可闕廟告茲因令節

庸伸厥故

第一室

粵在昏朝數滅倫常聖祖撥反于湯有光如日中天

文苑補遺

卷十五 祭文

十一

有辭千春云胡異國史失其真簡策傳訛神人抱盡

幸因控請獲洗誣蠆寫牒先到印本可俟當茲令節

兼伸告事

第八室○知製
教趙明澤製

祈禱祭文

小子違疾涉月乃瘳貽憂慈極臻此彌留湯炳罔效

心焉若焦感我先王奔走呼踊神理不隔寧不我惻

庶幾降監造收勿藥

兵曹判書
南九萬製

祈禱祭文

於赫列聖在帝左右啓我後人陰隲默佑肆惟父王

單心堂構宜昇康寧玉度清茂云胡今日厲虐斯違

刀圭罔效旬浹彌篤誠切代某夙夜煎迫疾聲控籲

庶冀監格導揚帝命蠲除灾厄翼日乃瘳俾造勿藥

大提學金
萬基製

英宗大王患候平復告由祭文

明明在上赫赫昭臨祇承宗祧升載于今懼忝先列

夙夜勞動治未變和疾惟攻身膈膺痞闕鍼烙迭試

决滯扶元內補外理不日乃瘳政可反悟於戲陟降

丕垂眷顧

知製教李
重協製

莊獻世子水痘平復告由祭文

英宗乙卯

藐台嗣緒夙夜祗慄錫我元良寔賴庥膺日未過百

順經類痘勿藥遂愈自天其佑寢床既安弄璋如初
百祥方至惟憂迺紓慶洽神人歡溢區宇罔非先靈
陟降保護消吉告喜厥遵常儀庶幾歆格益垂遐祺

大提學
吳瑗製

莊獻世子紅疹平復告由祭文 英宗 癸亥

晚占震索誕副謳歌年垂九齡禮定三加周文無憂
憂在惟疾時氣所感紅斑忽發蓋此疹毒治方最難
三朝甫過榮衛乃安不有冥佑何其神速豈惟小子
列聖胥悅茲蠲吉日庸報其喜庶幾降監益垂遐祉

李普呈製
官知製教

莊獻世子麻疹平復告由祭文 英宗 丙寅

曰予小子晚有元良禮成冠嘉託重宗祫心焉悅豫
保護惟謹時氣流行迺者違疹證始類痘喜旋勿藥
榮衛造復日僅五易豈徒止慈快釋惟憂於昭陟降
寔賜寘寐肆消吉辰庸伸告儀庶幾監臨永綏麗禱

永寧殿同
製教嚴瑀製

當宁痘候平復告由祭文 英宗 辛巳

藐予寡躬晚有文孫文孫嶷嶷九齡乃冠神人有屬
邦屬其昌維時蒼疹效厥靈祥數顆珠潤一旬痲零
醫技罔試榮衛采貞憂寬予懷喜溢宗祫六禮之吉

文苑補遺

祭文

卜以春首先經聖痘百福是湊惟此鴻慶予豈敢有
於昭陟降寔所垂臨茲兼望奠用伸嘉悅

永寧殿同
洪集純

製官知
製教

祈雨親祭文

噫予小子夙夜危凜民類將殄天譴彌甚其雨不雨
膏澤久禁朝蔭乍霏夕飈旋凜枯禾輟鋤焦林斷陰
薦何愛牲幣豈吝錦枯乾日亟以禱以諭徹誠莫徹
靈應終寢違違小子責重釁稔惟神降怒惟天示稷
惟民何辜屢奪翎飪斯呼疾痛以冀矜審惟祖惟宗
庶納顛稟沛此霖霑洽彼溉浸一滌焚悞蘇我群品

大提學金
錫肖製

祈雨親祭文

閔予小子夙夜兢慄田野焦熬早暎太甚莫瘞郊社
靡神不禱乍霑旋曦何以潤膏匪曰無雨終斬周洽
播期已愆川渠枯竭累瀆是畏恭俟其霈忱誠莫徹
靈應曷賴榴月將屆穡事罔涯靜言省咎孔瘳予懷
無寐于丙靡甘于玉亶究厥故小子否德哀此無辜
恧焉輶廈罔敢寧處爰潔牲粢仰籲陟降寧不我恤
矐言烝黎昔荷撫育大命近止予遺疇隱洋洋在上
尚或垂愍惻歎匪文虔告以誠及今霈然惟冀昭監

文苑補後

卷十五

祭文

二十一

藝文提學
元景夏製

祈雨攝享祭文

眇予小子忝承宗祀祗勤抑畏罔敢少弛誠未上格
不獲陰庇嗣服以後災害荐至今歲又旱膏澤久闕
井泉既竭田疇不易禾病其苗麥枯其穗哀哀元元
大命近止饑殍填壑存者流徙孽有所名罔非由已
政或不節有乖治理刑或失中以致怨訾惠鮮之澤
未究厥施對越之誠不其有愧內省自疚若將墮墜
思答譴責戒自今始日昃忘食夜而無寐常膳已減
正殿亦避尚賴默佑不我終棄陟降在茲寧忍忽視

式薦馨香肅將晨事垂鑑至誠大霽千里
成相製

祈雨攝享祭文 當守丁酉

於昭列祖陟降于天篤畀先休以佐後人閔予小子
叨奉禋祀惇惇在疚懼德不類匪灾猶惕矧伊名診
早璞之酷在茲元歲自春徂夏閔澤屯膏我年既病
我未且枯哀我赤子將壺將滿寧謫予躬奚有爾辜
用修牲幣靡神不宗神俱邈邈予莫肯聽同雲輒風
其雨復日炎炎車薪匪勻可滅側席省愆夙宵靡寧
微我先靈孰省予恫允茲黎庶祖宗所遺縱予莫保
胡寧忍棄爰遣相臣替奠豆觴瞻慕憧憧恍若躬將

洋洋在上庶監菲薄亟賜甘露救茲焚灼內閣知製教鄭志儉

祈晴祭文

小子忝位竭力勞民惟德弗類饑饉荐臻今春夏交雨暘頗若耕播以時麥苗茁頽連餘喘庶幾望秋淫霖遠割五旬不收百穀損傷沉腐漂失既滄人畜又壞家室小民怨咨朝夕其魚民則何辜咎實在予門榮再設神莫我助陟降先靈寧不我顧允茲動植德澤所遺今將盡殲靈必傷悲疾痛則呼敢微冥惠冀回天意劃賜開霽大提督南龍翼製

報謝祭文

英宗癸亥

洋洋在天眷茲遺黎禮勤薦璧憂切望霓曾不移晷靈應斯捷盈尺之霑庶救焚灼寔賴陰騰豈由淺忱斯虔報紀仰冀顧歆知製教南秦齊製

祈雪祭文

英宗丁卯

於佺闕宮列祖陟降在帝左右祐我宗祊小子嗣服先烈恐墜何咎于天歎歲荐至冬序已暮三白無望氣候不齊閉收乖常無牟無麥民將盡劉罪在寡躬中心怛憂恭薦牲牲冀獲冥佑願降瑞雪蘇我億兆知製教鄭彥儒製

功臣追錄告由祭文

前夏討亂既行告祭急書繼聞漏孽再逮逆柝舅昌
 實主陰計元老晚誅互誅星筮諸賊引款並發株抵
 允厥始謀在托邦禮謀撓坤極則倣畊制告廟稱罪
 特其次第謀樹私兵以弱環衛建府開屯又一闕核
 超距之募胡服之製昔吐復吞今竭其底礎斧尚寬
 餘惡益誓國危幸安邦憤且殘再告非瀆於禮豈贅
 矧惟前歲事大錯盞為告妖逆擅誣無罪獻書惟徧
 稱賊亦戾美文行臆遂以私濟茲摘其奸俾逆諸裔
 正辭改告以明國體方誅內難有臣勞勩定次行封

以蔭永世其餘六人亦中勲例追頒鐵券復約帶礪
 肆申厥告式替壇誓於皇列祖左右上帝尚鑑群言

以歆牲幣

大提學金
錫育製

討逆告由祭文

今夏討亂告禮既行餘黨載漏猶有隱情急書繼聞
 澍問再長按治逾月逆節猶彰逆柝舅昌吐款靡遺
 亦越數賊互證其私始告不盡今發無餘允厥包藏
 畢露爰書堅冰之漸信非一夕本托朝論謀動坤極
 親耕告廟機括聯絡為謀蓋急體府又復拳勇之募
 屯伍之束且裝胡服欲襲都下凶辭慝情間亦駭怕

文苑叢書

卷十五 祭文

二十一

既戮之賊死彰餘衆群孽次誅國人胥快除惡斯盡
默祐則存事在當告禮豈云煩矧惟去歲告討妖逆
撰文指事奸臣行臆無辜之臣日以煽辭獻書者徧
稱賊亦謾既欺藐冲又誣列祖及此悔悟方深慚怒
正辭改告於禮亦宜謹消吉日虔告若茲

林泳製

討逆告由祭文

英宗乙亥

於皇列聖顯承之盛憲章大備治化式揚闡理明道
彝倫以章古稱東俗禮義之邦世道漸下亂賊肆行
曩在辛壬逆心已形割疏相繼布置孔密交宦嗾凶
表裏固結計未克售睿聖有臨甲乙以後陰謀彌深

敢恣恃慝煽動猖獗維戊暨庚互應迭發滔天之惡
造孽稀濶餘黨潛熾乍伏旋出揆以王章咸宜極律
小子懋寬要以感服雨露太勝霜雪未足集穢難化
蛇蝎滋毒式至今日又有志徵凶圖已露逆節斯彰
乃行天討乃伸王法因茲有事本末倒易譬如伐木
宜斧其根亦有廷紳交謁更陳耆輝高尚儒誼時楷
以至於厦一體無差凶肚逆腸鏡夢何異乃循公議
逆律追施惟先與恒辜犯亦腆獎逆逞凶用致變亂
亦從臺請夫示邦典義理章明王綱振肅奸實可杜
邪心可革生道殺人古語可觀亂階既絕邦命益固

維今覺悟實荷陰佑茲乃歷舉予以昭告陟降洋洋

庶幾歆顧

藝文提學
趙明履製

討逆告由祭文 英宗乙亥

向日懲討既以祗告累旬鞠囚逆節復露維志與哲
世濟其惡心懷射天恩忘移陸締結京外綢繆謀度
掛書惑衆誦詩逞凶臨門正法庸快輿情亦越續鼎
同一心腸筵對凶譎衛班慌忙列伊亞帥手握重兵
曰白暨天共主陰圖輔車互倚內外相須長記短牘
往來無禁凶書恃說歲奔何心諸賊就捕秘踪已彰
並書其罪爰加極刑綱紀整肅義理昭燬日月清照

氛翳消散第久環衛動我陟降亦有憧憧未親夏享
今循群請將受庭賀躬詣告由慶關宗社皇兄睿聖
列祖保佑以至今日彌增感慕齋明盛服薦此鉶豆

洋洋在上冀垂鑑顧

藝文提學
趙明履製

討逆告由祭文 當宁丁酉

自承艱大小心踏踈疾如疾首慄若隕谷矧茲連歲
亂逆相踵治而不鋤悔留其種簡賊餘孽範吉及格
晝嘯夜聚天視地晝陰秘往還楸黑與濟惟趾迷纒
爛熳謀計懜彼妖任範毋迷妻潛和逆婢陰結賊巫
埋凶不足又圖射天是可忍歟殆有甚焉誰挾七劍

誰持鐵鞭死士惟輝刺客惟文黃門外引紅袖內導
半夜宮闈閃倏鬼嘯主張者範指揮則迷妖真供真
賊吉吐實誰為倡首巨魁口能盜名欺世引類招朋
半生朝權自速臺簡不市而島何負汝叛謂天可抗
謂神可侮集性本惡虺腸全露敢鼓凶喙謂古有是
惟知惟澤若信若履親以子侄密以門廷綢繆唱喁
是附是趨藩閫既排將刻有歸自選令望推戴者誰
噫嘻彼穢得罪于天所不忍聞亦何忍言惟此凶逆
亘古未有深連宮掖密通海島方其釀煽火烈水急
變生肘腋禍迫呼吸國勢人心如髮如旒皇穹默佑

明神俯庥群醜庶凶次第收捕天討斯張刑用有五
元惡伏法衆懃就戮亂領妖腰膏血狼藉自範至能
誅斃相繼劇則街懸餘或海置禧弘及順亦正追律
根抵滌蕩宇宙清豁宗祊再安朝野同忭基命之密
義理之闡悠久磐泰永垂冥隲中庸虔告洞酌旨潔

知製教尹
尚東製

討逆告由祭文

當守戊戌

昨秋逆變亘古罕比群凶纔鋤餘孽復熾愾彼賊量
龜黨能族鼓煽凶論乞藏怨毒枉出翼疏詬罵天日
一部明義敢云倣說三途劇逆顯言惻傷謂淵寃死

亦何心腸嘯聚凶徒將圖不軌謀急稱兵計愾挾七
集性難掩虺腸全露惟鏃惟翼同一逆肚胡越相合
根抵滋蔓次第吐實如印一板賊機凶圖膽掉骨驚
幸賴陰隲天討斯行巨魁既殲枝黨咸戮邦命庶固
群情載悅轉否為泰無疆惟休茲因朔享兼告厥由

如製教
金憲製

討逆告由祭文

當字乙巳

叨承丕基夙夜踧踖懋昭倫常以揭民極人心陷溺
累出凶逆巨慝雖鋤餘孽未剔懲討既舉全保是聶
撓腸集音庶幾斯革豈料昨秋夏賊逞毒怨國讎君

凶書罔測窮天亘古絕恃極惡三綱九法幾乎滅塞
膽裂心腐咸欲食肉輿論齊奮殄無遺育其惡世濟
賊恭又出鞠庭輸款忍復提說同情畢露逆叔凶侄
肚連鬼域螫肆虺蝎痛矣世族駢生凶孽乾道孔昭
自就樞質凶殫妖術異類相結陰謀不軌綢繆非一
締交凶徒互為機括窺占旺氣預營巢穴證期募兵
悉著逆節扶護劇賊尤切凶譎公私之說乃敢肆發
千妖萬凶不容剛裂賊烟逆洋跳踉南北或稱異人
或假理學符讖星術煽動誑惑聲勢相依變在朝夕
福燥陰圖天視地畫傳藝父兄甘心禍國峙積錢糧

糾結亂賊三道互應指期定約實賴靈佑群凶斯得
妖腰亂頌悉伏顯戮永杜禍根繇我邦籙消吉告由
虔薦洞酌

大提學吳
載純製

討逆告由祭文 當寧丙午

自承艱大小心踏踈夙夜祗懼若隕淵谷粵自丙丁
亂賊相踵榮德連肚夏蹀遺種龍蛇可化集境罔悞
今茲之變思之凜然國家何負將相逞凶復明綢繆
詰宇唱喁禍結肘腋危迫愒鋒矧茲亂本出自近宗
所不忍聞亦何忍言皇穹默佑慈教誕宣辭嚴義闡
昏衢日星亟舉常刑天討斯行元惡伏法衆慙就捕

駭機小紆邦命益固轉否為泰寔荷休眷宗罔再安
朝野胥忭寶籙悠久永垂冥隲庸茲虔告洞酌旨潔

知製教吳
泰賢製

文苑黼黻卷之十五

文苑黼黻卷之十六目錄

祭文二 各殿官

文昭殿親祭文

景福宮重新祭文昭殿文

慕義殿親祭文

敬慕殿親祭文

永禧殿親祭文 十一

永禧殿臘享親祭文

璿源殿影幘移奉宣政殿親祭文

宣政殿告動駕親祭文

文苑叢書卷之六
永昭殿親祭文

敬寧殿親祭文

孝明殿親祭文

徽寧殿移奉文政殿親祭文

延福殿追崇親祭文

景慕宮上謚封園親祭文

景慕宮春享親祭文

景慕宮夏享親祭文

景慕宮秋享親祭文

景慕宮冬享親祭文

景慕宮追上尊誦親祭文_二

景慕宮親祭文_四

景慕宮告由文孝世子冊禮文

懿昭廟親祭文

文禧廟親祭文_二

儲慶宮親祭文

毓祥宮親祭文_二

延祐宮親祭文

文苑補遺卷之十六

祭文二 各殿官

文昭殿祭親文

於穆我祖聰明神武簡在帝心奄有東土貽謀燕翼
垂裕無極於穆寢廟聖妃配德眇予繼序敢忘奉先
屆茲維夏乃躬效虔 第一室

明明烈祖勇智首出恢此丕基功兼作述聖后密贊
陰教聿修則篤其慶式至今休序屬長養修祀無怠
躬禱洞酌致其如在 第二室

於昭顯祖及我神后儷美齊光令聞悠久咨予小子

切此繼守露往霜來怵惕于心恭戴明禋冀垂居歆

第三室

於赫聖祖受天成命綏定東夏維烈無競神后作述
陰教聿修慶延本支式至今休眇予繼序敢忘奉先
丁辰之吉乃躬效虔

第一室

文武烈祖功兼作述克勤克儉基命宥密溫溫我后
柔嘉維則婉德娠聖永賴家國屬茲令節修祀無怠
躬斟泂酌致其如在

第二室

於皇我祖天縱聖明制禮作樂萬世取程猗歟神后
儷美齊光咨予小子切此繼守露往霜來永慕增深

躬修節祀冀垂居歆

第三室

閔予小子切守宗祏弗嗣于德帝怒有赫靡歲無災
不水則旱瘠我饑饉民率流散屬茲方夏又復驕陽
種不入土來牟率瘁何所鋤耰何所食飲民靡孑遺
國步慄慄念我皇祖在帝左右肆蕝行潦冀垂顧佑
庶降甘澍俾民粒食俾民粒食我祖之德

第八室

維茲五月早既太甚山盡赭黃澤絕流滲無草不萎
矧伊來牟播植既失三農廢休下民率瘁將靡孑餘
嗟我皇考胡寧忍予豈其忍予我罪孔多我罪孔多
其無天何哀痛迫切復此顛告願歆明薦勿喪神報

眇予繼序逢天瘳怒歲此阻飢邦無本固今茲旱魃
復此為虐痒我禾麥輟我錢鏹哀哀赤子啜泣中野
予心之憂若被燔炙念我先王陟降帝側庶垂扶佑
導宣靈澤既極無徐迨其今哉苟為不然先祖于
第十室

景福宮重新祭文昭殿文

洪維烈祖創茲丕基有宮有殿子孫是貽至于眇躬
灰燼之罹痛不克守思庶復追勞我民力獲我神裨
攸芋攸寧宛其前規自今以往其永無隳遺告厥成

式右歆斯

第一室

嗟予冲人名災非德先王宮寢燬于回祿中心盡傷
不遑食息賴天降祐維神考卜雨暘不忒百工效職
亦既有成匪亟其欲庶不棄基以鞏厥服鑒我告功
永垂休第 第二室

皇皇先業我謬承之罔堪于德上穹示徵鬱攸之酷
王宮震凌恫瘵在躬憂畏填膺肯構肯堂惟懼不勝
臣工展力廟社垂矜復其舊規無廢無增敢以真告
紆此昭并 第三室 ○大
提學李滉製

慕義殿親祭文

文苑補遺卷十七 祭文

仙遊不返天地再春感深流邁怨徹蒼昊遑遑如求
有懷難接承恩昔時隆賜顧復教誨式穀得至今日
遺大投艱臨深履薄每思無忝最興夕惕小心不惰
哀慕疇依闕殿有恤神實臨之儼然肅然若覩若聽
操心洞屬齊手玉盈庶鑑徽忱綏我思成

吳健製

敬慕殿親祭文

日月不居歷夏徂秋夙夜哀慕榮榮抱憂總帷淒清
徽音永絕節序外感悲傷內結矚矚有求耳聲目色
不惰其身致愛致慈若或瞻拜恍惚非真天蒼地黑
一接無因不有明裡曷展誠恪於昭在上庶幾降格

永禧殿親祭文

肅宗己丑

於皇烈祖肇初洪祚神功偉績炳蔚縑素光廟受命
克篤前烈運撫中興八域寧謐倚歟元考德茂啓聖
追享尊名景福彌盛三聖相承啓佑後昆年代雖逝
風烈猶存有恤真殿祗奉辟容掃灑罔缺裡祀惟豐
藐予小子宗祧是嗣羹牆一念夙宵靡弛節屆殷仲
時物遷改茲消吉辰敬伸瞻拜精神所寓儼然如在
威顏密邇忱承警欬怵惕興懷采增感慕鑑我徽誠

庶歆觴豆

崔錫恒製官
藝文提學

永禧殿親祭文

景宗壬寅

有恤真殿三聖儼然烈祖初業基我億年光廟中興
神功邁前元考啓聖靈祚益綿日表天顏寶軸相聯
虔奉一室陟降在天年代雖邈符彩凜焉啓佑罔缺
享祀靡愆藐予嗣服代序迭遷羹墻有慕瞻拜宜先
禮制既闕始修吉蠲肅肅筮几躬薦豆籩咫尺瞻望
將事益虔昔陪寧考北而周旋遺像宛如人事變壇
俯仰興感有淚雙懸鑑我微誠庶或歆旃

藝文提學
李肇製

永禧殿親祭文

英宗丁未

於穆真殿孔儼且恤三聖聯袂風烈如昨洪惟文祖
肇開邦國神功垂祚至仁垂則禹績湯德允矣匹敵

粵我光廟勇智天錫受命中興奠安區域治化隆洽
文物煥郁章陵毓慶即厚而積光啓聖哲享有第祿
尊名聿貴盛美愈晰惟德之符不間邇遯虔奉辟容
厥有寶軸日表龍姿符彩凜若小子嗣服瞻拜宜亟
拘於禮制今始薦酌時物遷變彌增怵惕咫尺筮几
威顏若覲顧慕愴悵予懷靡極微誠寔殫庶或降格

大提學李
宜顯製

永禧殿親祭文

英宗乙卯

於赫光廟武功文德誕垂鴻烈以永邦籙仙遊云邈
有儼眸容寶軸輝暎聖祖神宗永久之圖宜新繪素

文苑補註

卷十一

祭文

五

至敬攸在應是慄懼今奉西闕遂戒畫厨謹遵先軌
方將敬摹祥雲黼座悅臨朝儀躬告有事庶歆茲庀

藝文提學
宋寅明製

永禧殿親祭文

英宗甲子

聖祖受命無競維烈造商桓撥基周宥密光廟篤祐
善繼善述燦然大備典章文物啓我中興章陵毓德
扶倫改紀推原景福三后在天陟降洋洋藐予永懷
于羹于牆瞻依真切晬容皇皇就之如日赫然照臨
序代雖繼若承容音亦奉新幘慮周來後一體虔審
庶圖永久怵惕雨露三年一伸今率元良甲子其春

撫念投遺感懷益新消吉陳豆敬薦茲醜庶幾願歆

俯鑑微誠

弘文提學
吳光運製

永禧殿親祭文

英宗乙丑

有殿肅肅有臨穆穆世序不隔聲光宛覲顯顯文祖
啓造大邦乃啓休運爰集駿功洪惟光廟受命中興
維烈無競大猷是升章陵毓慶篤生聖人宗社永賴
寶祚重新此周三后於昭在天煌煌晬容符彩儼然
簷楹有佺並室聯次威顏不違陟降孔通藐予纘服
恭修奠獻間歲祗謁誠豈能盡六享一躬敢以義起
禮隆時展儀視陵祀茲因令節式薦芬苾雨露既濡

文苑補遺

卷十七

祭文

七

膏香載爨洋洋在上庶幾降格鑒此微悃冀歆洞酌

弘文提學

鄭羽良製

永禧殿親祭文 英宗戊辰

翼翼三后於昭在上比周宥密邁殷嘉靖章陵篤慶
運啓重光維千萬年左右帝庭有佻靈宮有儼天表
眷我臣民赫然臨照亶亶寧考德配烈祖巍乎成功
永錫繁祚璿源孔邇寶軸煌煌顧我復我如見羹墻
陟降洋洋真遊惟同一宇妥奉情叶禮中恭承慈旨
亟議並揭神理不遠想有悅豫惟是旅楹制狹當拓
茲命匠氏撰吉營度躬請移安虔告厥由邇亘靜嘉

冀垂倣學

弘文提學
鄭羽良製

永禧殿親祭文 英宗戊辰

皇皇三后弈弈真殿肇基靖邦亦粵啓運寶軸輝暎
永垂千億徽音雖遠臨照如昨時節馨香祗覲耿光
於昭寧考德配前王四紀至治百世之慕有儼睟容
虔妥禁宇昊天曷極永圖惟懷同宮並躋神理允諧
維縵有痕重寫禮宜夙夜憧憧一念在茲新摹迺成
天表儼臨若有神助庶慰慈心既拓舊宮孔嚴且邃
四室聯奉而康經紀洋洋悅豫左右如在咫尺不違
愴慕靡逮躬隨仙仗少伸微忱茲薦洞酌冀賜降監

弘文提學
鄭羽製

永禧殿親祭文 英宗乙亥

皇矣烈祖宏基肇初聖德神功巍巍蕩蕩有他靈殿
祇奉寶幘天威儼臨符彩照映省覲有時薦禱倣廟
誕彌歲回倍增感慕和寧豐壤式將堅石今來瞻謁
緬言疇昔年世雖賔左右洋洋精神之通庶歆豆觴
第一室

於戲盛德永世不忘道法既隆化理用章翼翼靈宮
有儼粹容節日精裡祇薦馨香惟昔踐阼是在乙亥
天星循環又逢茲歲撫時追遠彌切愴慕期定謁陵

後始樹表茲來祇覲密近耿光尚監微忱感必有通

第二室

大德敦仁毓祉興慶篤生聖人撥亂反正宗統奠安
倫彛昭章崇號追上徽烈式彰肅肅南殿祇安寶軸
令節薦獻一歲有六享同太室禮遵彝典歲改春半
氣序嬗變謁廟餘懷又此拜展陟降密邇庶監微悃

第三室

於皇聖考體道立極四紀神化萬世麗澤日月岡陵
咸祝天休忍說庚夏淫經辛秋深哀至痛極地窮天
生日倍悲矧遇昨午誕辰展陵霜露愴心新春拜殿

此句因上表改
以是甲拜殿
威顏通臨
此句因上表改
以追慕彌深
瞻仰奉陪
此句因上表改
以日表通臨
若將承訓
含慟致慈
冀歆真獻
第四室

藝文提學
趙明履製

永禧殿親祭文
當寧戊戌

皇矣藝祖肇開我東功彼厚載德配高穹于何瞻仰
八彩重瞳尚有丹青髣髴瞳矐深深簾閣肅肅祠宮
三后侍傍神理相通昔我寧考式禮架隆又奉辟容
五室之中庶幾悅豫鬱其慈籠黃流玉瓚載陳菲衷
第一室

皇矣光廟克配三宗文謨武烈赤刃黃琮有他南殿

有儼真容長侍藝祖昂昂顯顯歲時芬苾同此肅雝
於昭陟降保佑嗣封寧考夙事響佩瓏瓏日月幾何
寶軸言從瞻仰神龕瑞色添濃挹彼洞酌將以敬恭
第二室

皇矣章廟蘊德淳厯天錫第祿如海如江篤降聖哲
顛扶危扛綏我宗社靖我家邦終焉饗之祝故揭控
穆穆真容迺薦迺憲聖祖神孫後先蓋幢又奉寶幘
維錦及玕於赫真殿前代歆雙虔告厥由盍齋在缸
第三室

皇矣肅廟四紀至治貽我燕謨恢我不基有殿昂峙

三才譜卷一
眸容儼垂皇祖繼述五軸三之小子救承先志恐墮
曰寧曰璿以安以移嗚呼未遑惟是永禧乃蠲吉日
寶幘絳帷永言侍傍於千萬斯皞皞磬筦從以大禧
第四室

嗚呼小子曷其有依載離取光載撤遊衣唯餘志事
式是無違嗟茲五室戊辰罩飛星霜屢更日表齊暉
祖功宗德爛其映輝璿源在宮長寧在畿三配先后
在古亦稀絳禮載備酬報庶幾願賜降監天命永祈

第五室
○大提
學黃景源製

永禧殿親祭文 當守庚子

於皇藝祖大業宏猷啓佑無疆式至今休有他靈殿
虔奉寶幘四聖同侍符彩交映展獻維時我家有禮
今當有事敬薦明體 第一室

乃神乃聖受命中興巍功煥文垂裕後承於千萬年
累洽重熙年世雖負威顏不違去春祗謁餘慕未已
齋誠薦裸躬告有事 第二室

毓慶儲祥孔厚且積光啓聖哲式衍寶錄文顯武承
俾昌而熾真幘有煌瞻依孔邇有事靈宮來覲取光
冀監徽誠俯歆體芳 第三室

顯顯令德克配三后治成制定光前啓後歲回陟方

禮展仙寢緬懷在昔彌增愴感爰築臺圮諏辰之良
寧考攸行圭璧躬將 第四室

於戲可忘至善盛德孝思弗匱萬民攸則奉先維虔
有事必親憶昔陪鑿恍若隔最先君之思曷敢不勗

茲因修改祇薦洞酌

第五室 ○內閣
提學俞彥錫製

永禧殿臘享親祭文

當宁辛丑

皇矣聖祖肇我東方文謨武烈啓佑無疆重熙累洽
俾熾而昌有儼辟容載覲耿光節屬清祀奉以圭璋
禮儀既備陟降洋洋 第一室

於赫光廟躋世筮鏞迺靖八域克配三宗何以經緯

赤刃黃琮翼翼南殿穆穆真容漢臘既回殷薦載難

庶幾悅豫降監菲悰

第二室

憲憲章廟潛德發祥篤降聖神扶我倫綱宗社再尊
民物用康肅肅真幘儼然見牆迺蠲嘉平我享我將
願賜歆格靈籙彌長 第三室

思文肅廟四紀光臨風泉起感精一傳心迺鞏瑤圖
迺宣德音玉軸絳帷黼座深深稽古報功祗伸微忱
齋明對越尚冀願歆 第四室

於戲盛德曰篤不忘九莖羹牆五紀馨香光前啓後
休命斯皇有恤真殿八彩龍章咫尺躬裸恍若侍傍

吉蠲為禧薦我琮璜

第五室○藝文
提學徐浩修製

璿源殿影幘移奉宣政殿親祭文

英宗戊辰

洪惟寧考丕顯其謨四紀端臨儀刑作孝燕及皇天
佑我後昆親賢樂利沒世難誼眇茲嗣服慕深踐位
有儼晬容瞻依斯邇紹庭上下出入儼然矚彼真殿
三聖室聯求之情理允宜並躋既奉慈旨詢謀亦諧
惟是至敬惕然在茲綃宜改釐采欲彰施將光于前
庶盡微誠由億萬世如見文王祖功宗德永垂無終
爰請重摹簡吉授工敬告厥由陳此洞酌洋洋在上

庶冀歆格

弘文提學
鄭羽良製

宣政殿告動駕親祭文

英宗戊辰

終天蓼莪歲月流轉一旬陪侍儼然若見既訖幘摹
肅遷神輦日吉辰良配于南殿沁宮所奉慮在綃而
今茲改寫重摸二本一本璿源將擬移真並告厥由

敬陳明薦

弘文提學
鄭羽良製

永昭殿親祭文

粵惟光山此古塗莘王子遜跡啓佑後人至于文元
為世儒宗節士名卿繼篤貞忠載誕碩媛姿近生知
弱不好弄動輒循規幽閒之德孝順之性婉婉之儀
端一之行寧考親掄俾相寡昧宮中稱頌俛天之妹

文苑補遺 卷十一
祗奉四殿人無間言逮予嗣服正位坤元聞鷄警情
脫珥獻歲仁深膠木儉昭葛覃壺範肅嚴私廷杜塞
水旱災異同予憂惕允資柔則圖恢治理燕謀愆報
每惜無嗣軒精告稷奄違疹疫予迫拘忌蒼黃分析
庶幾勿藥非久會合何知一朝凶問遽及天乎天乎
寧有是耶驚疑莫定摧慟無涯聞其大漸夢語諄諄
忘痛在已惟念予身予獨何心永負恩義病未親救
喪未親蒞大奠已過猶阻臨哭非敢自愛計為宗祏
日月流邁節屆天中始奉慈極夙駕魂宮入瞻靈座
悅聞容聲舊殿間疇陳跡荒涼觸境增悲有瀉交頤

茲陳洞酌侑以忱辭幽明雖間一理可格尚冀精爽

歆此悃幅

弘文提學
李端夏製

敬寧殿親祭文

駢馭賓天今幾星霜德音永闕至德難忘嗟我賢媿
沙麓膺祥芳儀靜澍五度齊莊正位中壺吉叶黃裳
六載處困謙挹采光重履坤極陰教再揚一心勞瘁
撫育元良周瑟方及軒曜遽歲亡鑑之痛愈久愈長
滔滔逝水杳杳雲鄉商飈戒律增我悽傷靈殿稍遠
久闕裸將逮還舊御愴悵何量同我儲嗣涓吉辨香
靈如不昧庶歆此觴

大提學
姜銳製

文苑補遺

卷十一

祭文

十一

孝明殿親祭文

當寧丁酉

眇予小子敎承丕基踐位行禮觸境增悲日月其逝
雨露既滿有司稽典春謁告期瞻彼西陵永懷先志
顯冊揚徽宗祧定位尚闕省拜我慕如孺秋東春西
情文咸具吉日維戎載薦羽經歷展弘寢愴懷愈新
如存之誠出告以禮陟降庭止歆此粢醴

藝文提學徐命善製

徽寧殿移奉文政殿親祭文

於惟澍德媿美滙萃仁覃樛木誠虔采繫珩珥嫺禮
憂分宵旰淵貞為治基化于壺閭閻艱危多賴陰功
周瑟垂暮漢魏奄空嗟予祚薄慟纏亡鑑芳猷日閱

有宛親寢居然率祥觸境增愴神榻移設安于文政
睠言斯殿曩奉慈靈長樂承歡靈光上征孝昭躋室
靈乃安斯舊宇新奉餘庥可依自予釋縷誰慰戚戚

英靈不昧庶歆茲酌

金陽澤製官大提學

迺福殿追崇親祭文

當片丙申

於皇聖考英廟元嗣甲觀異徽龜鳥呈瑞天縱英姿
聰哲恪儼篤孝根天三歲已驗動容中禮七齡即然
隨潛龍昇前星在天恭職寢膳專精講學播厥仁聲
洋洋八域三殿嘉悅七鬯有托顯顯令德宜壽宜祿
天割宗祊萬日無光允在迺頤久猶增傷惟聖有命

俾承大統二字特踰遺旨愈炳穆穆哲媿亦昭懿則
之孝之順有徵貶冊藐茲新服率由舊命于昭于穆
繼序以正敬奉慈訓爰舉彝章鴻名萬世寶冊煌煌
若其躋廟俟三年訖情禮粗伸愴慕深切他彼新殿
祇陪以詣並告厥由式薦牲醴

藝文提學
鄭履煥製

景慕宮上謚封園親祭文

當宁丙申

維皇叔父天姿偉卓凝重嚴毅儼臨貳極有命代攝
玄端穆穆星輝海潤日昇月恒國運不幸地坼天崩
星霜屢換音容莫攀抱茲至痛十五年間皇祖慈覆
恃以為命胡寧不吊又遭斯境祇承大寶瑤瑛銜恤

微厥毓慶豈有今日俯仰靡逮窮天之慟雖其所重
致謹宗祊恩深劬勞詎忽報本酌禮斟情園誦聿建
二字加謚載颺顯冊躬薦芬苾愀然如覲廟見太儉
將改丹雘敬奉神位權安別宮並告厥由庶鑑微衷

藝文提學
鄭履煥製

景慕宮春享親祭文

當宁癸卯

維殷之春百昌芳華兩濡于原草茁其芽愴予孺慕
撫時彌篤齋誠選吉樂三佾六周旋入戶寓目羹牆

怵然秉圭小子躬將

藝文提學
徐有隣製
當宁戊戌

景慕宮夏享親祭文

有恤闕宮弗遠伊邇杉松入望瞻依在是每歲今月
穹壤曷已禮亞于廟夏中其祀寧考制訖雅樂肇將
袞冕祗見怵焉增傷惶惶三成如覲洋洋庶鑒微忱
垂祐無疆理應不忒小子奉璋大提學徐命庸製

景慕宮秋享親祭文 當宁癸卯

小子銜恤于今幾年闕宮月覲至痛窮天願予元嗣
餘慶所延顯踊誕揚光溢八埏羽舞載陳秋嘗是蠲
陟降如臨庶歆豆籩大提學黃景源製

景慕宮冬享親祭文 當宁癸卯

肅肅闕宮裡祀孔時夏禴秋嘗罔敢不祗矧茲仲冬

感慕尤滋鐘鼓既設玉璫將之含恤無窮月覲是期

庶幾昭格歆此馨粢大提學黃景源製

景慕宮追上尊踰親祭文 當宁癸卯

於赫路寢明靈攸臨鐘鼓惶惶亦有和琴自予含恤
越至于今永言孝思怛焉疚心翼翼旅楹民莫不欽
言眇月覲有淚其滫瞻彼永園松栢森森天監有仁
啓佑則深乃降神孫以報德音爰揚大踰用展菲忱
廣牲既陳疏勺斯斟薦此顯冊庶幾顧歆大提學黃景源製

景慕宮追上尊踰親祭文 當宁甲辰

大德受名至仁昌後國有元良式荷真佑永言崇報

丕誦孔赫何以薦之錫竹鏤玉是以展忱幾年含恤
穰穰降福洞酌明飫

大提學吳載純製

景慕宮親祭文

當守丙申

於奔清宮緬懷令德既濟且厚克莊以凝庶務代聽
率土延頸眇予小子寔藉餘慶恩深顧復痛經穹壤
隆祀之節敢口稱心儼然入室有赫厥臨寤寐粹容
髣髴英音邇豆在列永言瞻依庶幾昭格俯歆芬菲

知製教李秉模製

景慕宮親祭文

當守丁酉

帝德在陽蒼陸載新月正孟陬權輿洪勻乘龍御天

元年之春霜露攸降詎比他辰永言孝思欲報之誠
昨秋新宮隆祀孔明禮亞太廟鐘鼓三成於皇令德
頸延舍生寔藉餘慶瞻仰昊天龍旂載見百僚以虔
奉璋莪莪入戶儼然劬勞之恩每懷揚焉履茲三始
敬薦洞酌有赫降監邇豆靜肅眷予榮榮新休申錫
是享是宜微誠昭格

大提學李微之製

景慕宮親祭文

當守丁酉

闕宮有恤月覲有門瞻依孔邇若奉晨昏感彼濡露
矧茲誕辰靡洎之痛歲輒如新叢墻寓目風樹增悲
洋洋在上庶降歆斯

藝文提學李命植製

景慕宮親祭文

卷一

祭文

十一

景慕宮親祭文

當宁庚子

暖彼宮樹有風搖之盤穹徹壤終身之悲門揭日瞻
曷慰我思思至則拜如問寢時電虹舊節歲歲如期
春有雨露濡彼庭墀伸茲至情未暇繁儀仰視樛招
羹斯墻斯于睚有潛沾厥樽彝昭載降監庶幾歆茲

藝文提學

蔡濟恭製

景慕宮告由文孝世子冊禮文

當宁甲辰

先考毓慶錫我祚胤黃禹元吉星輝海潤永鞏邦本
寔闡皇庥重華叶虞令聞邁周建策利豫貽謨亨泰
朱芾七章日月其繪百僚忭歡兩聖嘉悅孺慕追遠

此時彌切篤承啓佑寶籙垂千闕宮肅穆有琬朱絃
於昭陟降眷言在上誕告良辰載忻載愴內閣知製
教尹行杜

懿昭廟親祭文

當宁己亥

嗚呼原廟隣近譜閣神理孔昭永言侍側天時起感
真容薦誠耿然餘忱載揚清光內閣提學
徐命膺製

文禧廟親祭文

當宁丙午

陽生地底萬物將復惟爾音容一何真漠每夜繞寢
鷄鳴如昨矧當是月觸處增盡瞻彼栗阡胡為新卜
躬莅常裡聊洩哀臆內閣提學
俞彥錫製

文禧廟親祭文 當宁丁未

自閉銅闈萬事成陳靡日不思矧伊新春川原滌藹
卉木生液嗟予文孝一去不復上彌東朝歡聲匝域
奈彼冥漠未同斯樂慈旨初頒國論逾騰其然不然
中夜撫膺元正之駕迴自墓所載薦洞酌尚庶歆願

大提學金
鍾秀製

儲慶宮親祭文 當宁戊戌

德著佐如慶膺誕堯永垂繁祉厥報孔昭曰有付托
仰聆先朝逮予嗣服奄已遷祧禮當來拜庶羞清醪

洪國榮製官
藝文提學

毓祥宮親祭文 當宁戊戌

日月幾何釋衰而綏觸境增感先君之思曰昔戊戌
慈顏永離天時將周予懷曷追諄諄玉音尚在耳垂
轉眄之間忽此干支忌辰冷節又萃一時志事是繼
情文則宜于豆于籩以饌以粢雖離爾爾庶幾歆斯

大提學徐
命膺製

毓祥宮親祭文 當宁庚子

有儼祠宮實毓厥祥克誕聖人邦運迺昌皇祖孝思
小子是述撫時怵惕矧茲晬日敢薦芬苾敬伸微忱
洋洋若臨庶冀顧歆

藝文提學
洪樂命製

延祐宮親祭文

當寧戊戌

於休哲範積慶無疆承我寧考昭德之光永錫祚胤
 為國元良維天報善愈久彌昌式至于今遂大以彰
 思文真考繼序斯皇乃稽邦典儲慶毓祥猗猗竹冊
 煌煌銀章考德紀行徽懿載揚瞻彼吉園丁閣在傍
 乃陳馳典乃薦馨香吉日維庚小子奉璋

大提學徐命膺製

文苑黼黻卷之十六

